

Bosna i Hercegovina
Federacija Bosne i Hercegovine
Tuzlanski kanton
Općina Teočak
Općinski načelnik
Broj: 02-11-224-7/21
Teočak, 08.03.2021. godine

Na osnovu člana 64. stav (1) tačka b), člana 70. Zakona o javnim nabavkama („Službeni glasnik BiH“ broj: 39/14) i člana 43. Statuta općine Teočak („Službeni bilten općine Teočak broj: 5/08 i 2/12), Općinski načelnik d o n o s i:

O D L U K U

o rezultatima okončanog postupka javne nabavke i izboru najpovoljnijeg ponuđača

Član 1.

Na osnovu Zapisnika o pregledu i ocjeni ponuda broj: 02-11-224-6/21 završenog dana 05.03.2021. godine, Ugovor za Nabavku radova na uređenju zelenih površina u općini Teočak na potezu od zgrade općine do sportske dvorane se dodjeljuje ponuđaču: „Izgradnja“ doo Teočak po ponudi broj: 43-2-02/2021 od 24.02.2021. godine za ponudenu cijenu od 219.439,00 KM bez PDV-a. Navedena ponuda je ocijenjena kao najpovoljnija nakon održane e-aukcije dana 05.03.2021. godine.

Član 2.

Prijedlog Ugovora dostavit će se na potpis izabranom ponuđaču: „Izgradnja“ doo Teočak, sa sjedištem u ulici Teočak bb, 75414 Teočak.

Član 3.

Izabrani ponuđač je obavezan u roku od 5 dana dostaviti dokaze o činjenicama navedenih u izjavi iz člana 45. Zakona o javnim nabavkama BiH, kao i Obrazac za cijenu ponude korigovan za cijenu ponudenu putem e-aukcije.

Član 4.

Za izvršenje ove odluke zadužuje se Služba za privredu, finansije, prostorno uređenje i civilnu zaštitu općine Teočak.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-11-224-1/21 od 03.02.2021. godine. Javna nabavka je provedena putem otvorenog postupka za dostavu ponuda, broj obavještenja sa portala javnih nabavki: 98-1-3-11-3-1/21. Procjenjena vrijednost javne nabavke bez PDV-a je 207.100,00 KM.

Komisija za javnu nabavku dostavila je Ugovornom organu kopiju Zapisnika o otvaranju ponuda broj: 02-11-224-4/21 dana 25.02.2021. godine i Zapisnik o pregledu i ocjeni ponuda broj: 02-11-224-6/21 zaključenog dana 05.03.2021. godine u postupku javne nabavke radova za uređenje zelenih površina u općini Teočak na potezu od zgrade općine do sportske dvorane.

U postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- ukupan broj pristiglih ponuda je 2 (dvije) i to ponude od: „TOM-CAT“ doo Tuzla i „Izgradnja“ doo Teočak
- ukupan broj blagovremeno zaprimljenih ponuda je 2 (dvije) i to ponude od: „TOM-CAT“ doo Tuzla i i „Izgradnja“ doo Teočak

Kriterij za ocjenu ponuda je najniža cijena.

Tehnički, pravno i ekonomski, ponude od oba ponuđača su prihvatljive. Ukupne cijene po ponuđačima prije održavanja e-aukcije su bile sljedeće: „TOM-CAT“ doo Tuzla sa ukupnom cijenom od 219.659,32 KM, „Izgradnja“ doo Teočak sa ukupno ponudenom cijenom od 227.754,38 KM. Sve navedene cijene su bez obračunatog PDV-a. Nakon održane e-aukcije dana 02.03.2021. godine sa početkom u 09:00h formirana je nova rang lista ponuđača sa sljedećim redoslijedom (cijene su bez obračunatog PDV-a):

1. „Izgradnja“ doo Teočak sa ponudenom cijenom od 219.439,00 KM - najpovoljnija ponuda
2. „TOM-CAT“ doo Tuzla sa ponudenom cijenom od 219.659,32 KM

Budući da najpovoljnija ponuda prema kriteriju za dodjelu ugovora prelazi iznos planiranih sredstava, ugovorno tijelo ima mogućnost dodjele ugovora, ukoliko osigura nedostajeći iznos finansijskih sredstava za istu. Naime, članom 69. stav (2) tačka e) Zakona propisano je da ugovorno tijelo poništava postupak nabavke ako su cijene svih prihvatljivih ponuda znatno veće od osiguranih sredstava za predmetnu nabavku. Međutim ni Zakonom ni pripadajućim podzakonskim aktima nije propisano koje odstupanje se ima posmatrati kao „znatno veće“. Dakle, od raspoloživog budžeta, realizacije prethodnih nabavki tj. da li je potencijalno bilo ušteta po prethodnim ugovorima, stepenu prioriteta nabavke, hitnosti, da li je opravdano da se zbog realizacije konkretnog ugovora odustane od neke druge planirane nabavke ovisi da li će ugovorno tijelo u konkretnom slučaju nastaviti postupak ili isti poništiti u skladu sa članom 69. stav (2) tačka e) Zakona, a opet u odnosu od mogućnosti ugovornog tijela da osigura nedostajeći iznos finansijskih sredstava za ugovor koji bi trebao biti sklopljen. Konačna

odluka o pomenutom pitanju je na ugovornom tijelu. Uvažavajući sve navedeno, Ugovorni organ je u mogućnosti da obezbijedi dodatna sredstva za finansiranje ovih radova pa samim tim je i donešena Odluka o izboru najpovoljnijeg dobavljača.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz tenderske dokumentacije.

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno:

- ponuđačima
- a/a



Općinski načelnik

Tajib Muminović